

明

史

明史卷二百四十九

列傳一百

屠

敷

子應項等孫叔方

潘

蕃

沈

銳

張

泰

吳文度

王林

珩

顧

佐

吳

洪

子山

巖

孫煥

張

蔣

政

王

華

屠敷字元敷平湖人成化五年進士授工部主事督造清江浦漕舟時王恕總河事知其能薦之改刑部歷郎中有疑獄或事干權貴尚書林聰輒屬敷敷剖決無滯有李勝者誘其主之子李福為私鑄而陰令通者發之福坐戍遣敷曰此奴利主產也以福罪罪勝而歸其產擢南京大理丞弘治初入為大理少卿

六年大旱求言勲上十事如南京暑月一體疏決罪
囚五歲一遣官錄天下刑獄皆著為例馬漳州溢文
進嶺亂勲承命往視諭以禍福誅其渠一方遂靖明
年權右副都御史巡撫順天整飭薊州邊備勲以密
雲孤懸有警不及援潮河川漫衍難守黃花鎮拱護
諸陵守備單弱奏分薊州為中路密雲建昌為東西
二路屯兵犄角緩急相救築城堡於潮河川扼險居
守增置黃花鎮戍壘使烽燧相望自是塞垣加固熊
兕谷騎兵曰寄操營去冰十餘里鑿井數丈皆堅石
入馬病渴猪圈頭關地平行春夏水溢營壁傾圯歲

等修築數日無水而主營舍要地而屯沮如皆兵忌
馳奏從寄操營平谷便地就水泉而移關於南北水
縣歲省役卒數百人寶坻產銀魚中使歲取擾民麻
峪山有銀礦鎮守內臣以中旨按索吏民駭懼數皆
論之詔戒約中使罷礦事不行又以京邑役重民貧
奏減舊設庫夫墮戶猶夫數千計昌平奉諸陵供億
浩穰請免計丁養馬民深德之歷刑部左右侍郎壽
寧侯張鶴齡與肅民爭地命勲往勘勲奏食祿之
家不言利况母后誕毓之鄉豈宜與小民爭尺寸土
弗聽歷右都御史協理院事武宗立上郊祀籍田幸

學三事謂新政宜求實意勿徒循故事為美觀正德
二年代閔珪為刑部尚書時劉瑾竊政勲知事不可
為彌年遽引疾去詔加太子太保賜勅馳傳歸月廩
歲隸悉如制又八年卒贈太保諡康禧勲為人果斷
明習律令服官四十年始終不離法尊故其獄獄死
著素不附瑾及瑾敗治其黨辦事官劉淮詞引勲及
尚書王華顧佐韓邦問侍郎沈銳皆嘗屬淮求解於
瑾于是各下巡按御史逮訊皆坐杖輸贖既見抑於
瑾而文為所運染君子惜焉勲子應項應坤應峻並
舉進士應項勲從應坤恭政應峻論德有文名應峻

子仲律叔方孫謙亦舉進士仲律知府叔方及謙皆副
使先是建文朝殉難諸臣神宗登極詔書已褒恤而親
黨謫戍者猶未釋還萬曆十二年叔方為御史具疏懇
言之獲釋者數十人

潘蕃字廷芳崇德人初冒鍾姓既通顯始復其舊成化
二年舉進士授刑部主事歷郎中山西沁源王與知州
金澤互訐蕃往治置王左右於理雲南鎮守中官錢能
尹巡撫王恕所劾詔蕃按之蕃具發其奸出為安慶知
府次鄆陽時府治初設陝洛流民畢聚蕃悉心撫循皆
成土著累遷山東湖廣左右布政使弘治九年以右副

都御史巡撫四川兼提督松潘軍務蕃宣布威信蠻人畏服單車行視松茂莫敢犯歲罷假道金千計戒守將月出行邊捍禦撫輯積五年朝廷無西顧憂遷南京兵部右侍郎就改刑部十四年進右都御史總督兩廣帳下護衛士舊不下萬人蕃汰之纔給使令而已黎寇符南蛇亂海南聚衆數萬官軍征之久不克蕃益調狼土兵往討渡海遭風士卒多死及遇賊都指揮何清等戰沒諸軍先事急皆珠死聞賊乃敗斬南蛇及其黨二千六百有奇平賊巢千二百餘所俘其家屬千四百人論功進左都御史己又平歸善劇賊古三仔唐大翼等思恩

知府岑濬貪暴與田州知府岑猛爭地相讐殺攻陷田
州猛窮走軍門乞援蕃諭濬罷兵不從乃與鎮守太監
常經總兵官伏羌伯毛銳集兵十餘萬分六哨討之濬
數敗遁入舊城諸軍破其郭急攻之濬死傳首軍門凡
斬級四千七百盡平其地時南海豐湖劇賊禍元祖糾
清遠四會番禺諸徭肆剽掠蕃欲討之會思恩方用兵
乃止至是巡罕乘勢進兵豐湖連破二十餘村移兵攻
清遠徭復破之餘皆竄遁先後俘斬五千餘人捷聞璽
書嘉勞蕃奏思恩宜設流官猛構兵失地宜降同知俾
還舊土兵部尚書劉大夏議以為猛世濟兇惡不宜歸

舊治請兩府皆設流官而降猛為千戶從之福建帝從之蕃在鎮五年威名甚著猶時被論劾賴當事保持得竟其功正德改元入為南京刑部尚書踰年致仕初蕃去兩廣岑猛懷田州不肯從知府謝湖畏猛悍亦遷延不赴事聞逮湖詔獄湖委罪蕃經銳三人及尚書大夏時劉瑾方惡大夏遂并逮四人大夏以不從蕃言為罪而蕃亦坐不能撫猛俱謫戍肅州廷臣皆知其冤莫敢直既而瑾從戶部郎中莊禪言遣太監常霜覈廣東庫藏奏言應解贓罰諸物多朽敝而梧州所貯鹽利軍賞銀六十餘萬兩不以時解於是蕃及前總督大夏前左

布政使沈銳等八百九十九人皆違問罰米輸邊銳仁
和進士性廉介寡合恬於進取己選南京刑部右侍郎
乞休歸至是坐奪職瑾誅蕃以原官致仕踰六年卒而
銳至嘉靖初始復職致仕方蕃解官歸無居室稅他人
宅居之與鄉人飲露坐花下醉則任所之時人為之詩
曰尚書歸來無第宅稅地種花兼種魚舉網打魚魚換
酒花前醉倒老尚書其風致如此

張泰字叔亨廣東順德人成化二年進士除沙縣知縣政
尚寬平庭無留事民戴之徵授御史嘗偕同官諫萬貴妃
干政廷杖幾斃出督京畿學校有聲以憂去既免喪家居

十餘年不出弘治五年始起故官按雲南先是孟密土舍思標叛本邦乘宣慰使罕它法赴孟乃若納婦侵據其地以兵逼罕它法使不得歸守臣再三撫諭拒不順命至是泰與巡撫張詰召集土漢兵聚糧開道示必討思標懼始罷兵罕它法乃得返滇池溢為民災泰築堤數十里水患遂弭還朝以蘇松歲祲乞罷遣織造內臣皇莊及貴戚莊田遇災輒得視民田蠲減二稅兩畿山東湖廣河南被災貧民請賦牛種奏上部臣亦助為言詔惟牛種許給餘格不行寇入永昌甘肅遊擊將軍魯麟委罪於副總兵陶楨而總兵官劉寧疏言賊勢披猖由守臣不和

長奸玩寇弗恤軍士致然詔泰往勘之泰奏鎮守太
監傅德故總兵官周玉侵據屯田二百七十餘頃巡
撫馮續臧剗軍餉殆半士卒皆怨莫肯効力寇數入
牧羊川頑等不能禦士卒被殺掠者六百餘人失亡
馬駝牛羊二萬德續皆不以聞請逮治帝怒下之吏
德降內使錮之南京續編氓口外泰又言甘州膏腴
地悉屬中官武臣所據顧仍責諸軍稅城北草湖舊
資戍卒牧馬今亦被占請悉歸之軍且推行於延寧
三鎮詔皆從之十年遷太僕少卿改大理初薊州民
田多為牧馬草場所侵而御馬監及神機營草場率

又見侵皇莊由是貧民失業流亡者至二百八十餘
戶而草場亦虧故顧孝宗屢遣給事中周旋侍郎顧
佐熊翀等往勘皆不能決至是命泰偕錦衣官一人
會巡撫周季麟復勘之泰密求得永樂間舊籍泰互
稽考於是田畝歸民者九百三十餘頃而京營及御
馬監牧地咸不失故額奏入孝宗駁議至再戶部尚
書韓文力持之留中未下及武宗嗣位文再請始出
奏奏由是流亡者咸得復業泰尋遷右副都御史督
儲南京條奏釐革十二事多報可正德二年召為工
部右侍郎明年遷南京右都御史泰矜嚴好禮清謹

自將常劉瑾專柄朝貴爭致賂遺奏表至京惟魏
士葛瑾憾之會當序遷令以南京戶部尚書致仕未
幾卒瑾猶按他事罰米數百石同時又有肅寧張泰
亦以進士由知縣擢御史歷右副都御史巡撫陝西
發粟六十餘萬石賑西安六府饑民王十五萬戶亦
以劉瑾時坐事罷歸起刑部左侍郎拜右都御史總
制陝西三邊軍務勉駐牧囉囉墩督副將蘇太等夜
襲敗之卒贈太子少保刑部尚書泰居官有政績然
頗與俗浮沉時論以定二泰優劣

吳文度字憲之哥江人從父客江寧遂家焉少孤貧

茹苦讀書憂無憚為蚊所咬成疾鄰人數侮之文度
不顧登成化八年進士除龍泉知縣俗悍難治召父
老開示禮義祭其強梗者絕之人莫敢不肅徵授南
京御史嘗偕同官孫需等論妖僧繼曉被廷杖尋遷
汀州知府徭人弗靖設方畧綏撫皆感服承徭賦如
居民修舉學政與士子考德問業民生祠之弘治中
歷江西左叅政山西河南左右布政使並有名迹正
德改元遷右副都御史巡撫雲南師宗州賊阿本等
作亂諭不從乃遣叅議陳一經等督軍二萬攻之別
遣兵截盤江據賊巢後先後俘斬近千人入歷戶部

左右侍郎進南京右都御史方文度召自雲南劉瑾
以地產金寶屬責賄文度無以應瑾深銜之遂推文
度及南京戶部侍郎王珩堪工部尚書遂改文度南
京戶部尚書與珩俱致仕命下舉朝駭異文度守官
廉既歸所居屋僅數椽恬潛守素達官貴人造之恒
避匿瑾誅未及用而卒珩趙人起家進士亦以清操
聞同時大臣為瑾挫抑者有臨淮顧佐閩林洋佐字
良弼成化五年進士授刑部主事歷郎中錦衣都指
揮牛徭枉殺人鎮守宣府太監顧雄分守紫荆關監
丞鍾欽怙勢縱恣事發下刑部衆猶畏惡佐獨按致

其罪出為河間知府徭役苦不均佐令計縣輸錢更
無所容姦弘治中再遷大理少卿擢右僉都御史巡
撫山西部內多宗室官為繕第宅費不貲佐請悉令
自營治正統末權發太原平陽民戍邊後遂久不代
佐奏令代選入為左副都御史遼東總兵官李果汰
監任良巡撫張玉誘殺泰寧諸衛幾三百人詔佐劾
之以實聞帝不罪給事中吳世忠爭之弗納久之果
等始罷佐歷戶部左右侍郎出理陝西軍食佐善區
畫儲蓄餘三年正德改元代韓文為尚書劉瑾憾文
搆撥萬狀會部有故冊逸弗得欲以為文罪逼佐坐

其事往不可詔奪俸三月佐喟然曰可行矣再疏乞
歸即日就道瑾憾之三罰米輸塞止至千餘石家資
稱貸以償卒贈太子太保佐之守河間也有德於壽
寧侯張鶴齡比鶴齡貴援之故得召為大理云泮字
用養文慶同年進士歷南京大理寺正善獄獄遷廣
州知府藍漢諸蠻為亂承檄督兵討平之擢廣西叅
政督屯田糧儲時通糧三十萬石莫能償泮減直數
其銀易米於湖南通糧遂足正德二年歷戶部右侍
郎徽王與民爭田詔泮往勘泮以鹿邑唐汝諸縣田
八百餘頃賜自先朝乃斷歸之王而勅巡撫陶琰巡

按鄭陽等勘報不實俱下詔獄民亦坐得罪劉瑾以
泮為能增俸一等是時瑾行苛政凡勘事者率務嚴
刻稱瑾意泮不能違人以是不直泮然泮亦終不甘
瑾明年拜南京戶部尚書未出都會詔許禮部尚書
周經謝病并令泮致仕仍賜夫廩半經之數泮居官
廉歸無第宅常寓止僧寺及卒不能殮有司為庀喪
具天啓初追諡恭靖

吳洪字禹時吳江人年十二入鄉校其學官嚴急諸
生歆懼於御史逐之洪曰師可畔耶不署名成化十
一年舉進士除南京刑部主事歷廣東副使巡視海

道兼理鹽政。盡獎皆剔除。不入贏利。有民為漁人所
殺。投池中。其家意池旁居民及館人殺之。懇諸官械
繫數人。且死。洪以針廉得之。寘漁人罪。釋諸繫者。人
以為神。遷福建按察使。武帥以犀珠走間道餽。洪
堅謝却之。建寧延平民饑。輒便宜發粟以賑。汀漳軍
餉缺。急取征南之羨給之。軍以無譁。土徭戍守者有
所求乞。三司集議。洪曰。不予。且致變。予之。將遂為例。
不若以貸為名。而姑予之。衆稱善。鎮守中官銜布政。
使因其更有微罪。欲洪重繩。以為使累。洪厲聲拒之。
乃止。拜太僕卿。歷工部左右侍郎。正德三年。擢南京

刑部尚書錦衣指揮鄧炳者寧河王愈之世也與從
弟爭所賜宅詔南京三法司覈之未報炳兄弟復相
奏訴劉瑾怒下之詔獄因責勘者稽緩洪及都御史
張憲大理卿胡富並令致仕洪家居十三年卒贈太
子少保子山巖同舉正德三年進士少子崑嘉靖中
亦舉進士山字靜之初除刑部主事歷郎中諫武宗
南巡罰跪予杖尋擢山東副使嘉靖十年累遷右副
都御史巡撫河南與御史王儀劾鞏固將軍佑棕罪
為所訐貶浙江叅議三遷右僉都御史巡撫四川歷
刑部左右侍郎進尚書靖國公郭勛被劾下詔獄移

刑部定罪山等戮之辟復以勛在八議請下廷臣議御史周亮等劾山老耄依違奪俸三月當是時言官勛助者冀重生勛而帝務欲寬之為禮部中錢德洪職示意及會訊山等坐勛交結朋黨紊亂朝政律死其黨死徒者數十人獄上帝猶欲寬勛復令詳議山等乃更重擬沒其資產妻孥益忤帝意留中不下明年勛竟瘐死帝益憐之欲罪山等未發也會冬月當瑛因而山等上因籍緩帝遂發怒下禮部叅劾時嚴嵩掌部事具劾諸法司及刑科而言山罪尤重乃除山名侍郎葉相都御史毛伯溫以下齔秩停俸有差

山以暴疾卒於道穆宗立復官贈太子少保巖字瞻
之由行人擢工科給事中伉直敢言山東巡撫邊憲
所部州縣四十七保定巡撫蕭紳所部三十二皆為
賊所陷下詔獄罪當死二人黃緣得輸贖還職巖抗
章論之且請誅副將白玉䟽雖不行二人竟引疾去
乾清宮災奏請罷養子斥者僧遣還邊兵遼東開原
失事巖往按之抵都指揮陳鉞等三人死而成指揮
佟宣等十六人遣入犂服索還都給事中武宗遣中
官尹輔督饒州磁器巖率同官力諫東南水利久不
修巖以為言詔為貴州撫李光弼世宗立極論安邊

伯許奏罪泰遂下獄時方遣主事三人出督宿道嚴
奏傳之中官祖臣權真定竹木縱下虐民嚴疏請罪
臣并及內官監太監邵恩於是臣恩被切議遽治其
下如律久之擢四川右叅政卒崑終官嚴州知府山
子邦植嘉靖三十二年進士終陝西行太僕卿以清
謹稱崑孫煥萬曆四十二年進士歷知海寧仁和內
黃三縣曹欽程勅周宗建詞連煥坐削籍崇禎初召
為御史劾中官崔文昇文昇遂得罪已請撤還諸邊
典兵內臣江南白糧乞附載漕舟免破民產時不能
用以病歸卒

張鵬字用和歷城人成化十一年進士授襄陵知縣
入為御史憲宗末年數言官鵬言諫臣天子耳目
當鼓舞長養作其敢言之氣不宜撻辱妖僧繼曉
士郎常恩等亂政又與同官連章切諫帝外雖優容
而心甚惡之出按江西所部盜賊率強宗佃僕多庇
匿鵬與巡撫閔珪交奏其事江西人宦於朝者相與
搆之乃貶珪而坐鵬尹是黨謫郴州判官弘治初擢
河南僉事進恭議以協治黃陵周遷副使歷恭政按
察使鵬官河南久屢遭河患督治有方民為立祠亦
五年擢右僉都御史巡撫遼東時軍政失紀天許餘

丁納貲助驛遞給官帶復其身於是邊人競援創造
役爲言若此例不停十年後塞上皆緩帶之士其充
伍者盡乞兒餓夫矣請立定額諸生一戶勿過二人
正軍一子不聽入學家非親丁毋許優免庶執戈有
人戎政不廢因條上核屯糧清隱占稽客戶減軍伴
數事悉允行尋勅分守中官劉恭貪虐罪築邊墻自
山海關乞開原穀陽凡千餘里邊政始飭遼撫自徐
貫後歷張岫張玉陳瑤韓重四人多得罪去至爲號
能舉職焉武宗立移撫宣府正德改元召還尋進右
副都御史署院事有知縣犯賊當褫職卒殺人當抵

死皆重賄劉瑾欲寬之爲執不可瑾怒甚出爲南京右都御史大學士焦芳子黃中欲強市其居界其黨通政魏訥爲又不從芳父子亦怨之會瑾遣給事中王翔等覈遼東軍餉還奏劾累多汙爛瑾等遂以爲守臣罪逮爲及繼任巡撫馬中錫鄧璋前叅政冒政叅議方矩郎中王蓋劉鐸下詔獄令其家人輸米於遼東爲坐輸二千石以力不辦詣遣家人還鄉鬻產而身繫遼東以待畢事久之總兵官毛倫等具奏諸人艱苦狀請得折價瑾勉從之闕三年事始竟皆斥爲民瑾誅後官爲己前宰世宗初予卹政泰州人爲同

年進士授南京戶部主事歷武昌知府有治績遷山東左叅政弛南旺湖禁以利貧民改守遼陽擢江西布政使將行庫吏進羨千金政不取歸於代者江西饑勞心賑恤以右副都御史巡撫寧夏政守官秦劉瑾覲賄不得遂假遼東事逮之罰米至三千石瑾誅復職致仕久之卒

王華字德輝餘姚人六歲戲水濱有醉濯足者遺其金華取投諸水待其人至指而還之稍長讀書龍泉山寺寺故有妖同學者懼信宿皆散華獨留妖即止僧夜乘風雨登屋嘯呼擲瓦石恐華華屹不動督學

副使張悅最器華及謝遷曰二子他日當大魁天下
布政使祁陽審良延之家為子弟師華因縱讀其家
藏書凡數千卷三年盡識之名聞湖湘間祁陽俗好
使飲華性方嚴將歸士人壁伎於水亭而餞之各散
伎出華大驚欲去求舟不得以門扉浮水而渡成化
十七年舉進士第一授修撰充經筵講官弘治中遷
右議德上疏勸學尋兼東宮講官進學士少詹事華
有器度在講幄最久孝宗甚眷之內侍李廣貴幸華
進講大學衍義至唐李輔國與張后表裏用事諸學
士欲置之華指陳益切明日帝命中使賜食以勞焉

十六年擢禮部右侍郎華嘗典應天鄉試暮夜有投
金請託者華即發之言官猶連章論列帝察其誣悉
不問正德初進左侍郎子守仁以忤劉瑾遠謫將并
構章華鄉人方正者瑾嘗從學書使謂華若往謝者
當大用華不可出為南京吏部尚書坐事罷旋以會
典小誤降右侍郎瑾敗乃復故寧王宸濠反守仁起
兵討之或言賊必行刺宜少引匿華曰吾大臣老不
能荷戈殺賊吾子幸舉大義即不利猶將率鄉黨子
弟共死此城何避也世宗立爵守仁新建伯封華如
之遣行人存問無何卒華性孝父喪廬墓虎為馴擾

母岑氏年踰百歲卒華已七十餘猶寢苦蔬食士論
多之

論曰孝宗培養士氣敦尚名節士生其間罔弗砥礪
廉隅以自堅立鼓枻響應荅固其所也迨閭瑾一亡而
突梯脂韋之徒群焉屈膝無復顧恥波流靡靡幾且
成一世宙矣而屠勲諸人猶能堅持素履凜如介石
豈不屹然砥柱者哉嗚乎是可風也已

明史卷二百五十

列傳一百一

林

瀚

子庭梯
機子康

庭機
煜

許

進

子
許
讚

林瀚字亨大閩人父元美永樂末進士歷撫州知府有惠政瀚舉成化二年進士改庶吉士授編修再遷左諭德請急歸弘治元年召修憲宗實錄充經筵講官三年遷國子監祭酒仍直經筵九年進禮部右侍郎掌監事如故瀚典國學垂十年教士嚴而有恩力拒請謁撥歷必以次饌銀歲百數悉貯之官以次營立署舍自是師儒皆免僦居由瀚始歷吏部左右侍郎十三年拜南京吏部尚書明年七月以災異率群

條陳十二事多見採納御史王獻臣自遼東還下詔
獄儒士孫伯堅等黃緣為中書舍人瀚具疏爭忤旨
乞罷不許已奏請重根本重祖宗之根本曰保固南
京重天下之根本曰佑啟皇儲重邦家之根本曰撫
綏百姓重政治之根本曰增進賢才語殊剴切正德
改元再引言乞休因陳養正心崇正道務正學親正
人四事優詔慰留其年夏災異數見復率群僚條列
時政十二且言先帝上賓陛下親承付託惟是先帝
所倚大臣任而不改親賢遠佞割私徇公戒饒邊防
樽節財用事無巨細無內外悉效先帝所已行者而

力行之則大孝之實通於天下矣以語步近幸多格
不行時吏部尚書馬文升去位言官丘俊石玠等薦
瀚堪代而為侍郎焦芳所得乃改瀚南京兵部叅贊
機務瀚素剛方與守備中官持議多不合他內臣進
貢通其地者多索快船瀚又每裁抑之遂交譖於劉
瑾會劉瑾謝遷罷政瀚聞而太息言官戴銑等以留
健遷被徵瀚又獨往送且致贈瑾聞益恨遷假銑等
獄詞譴瀚浙江叅政旋指為奸黨罷歸瑾誅復官致
仕予月廩歲隸如故事尋命有司歲時存問瀚行義
甚高平生務為謙厚而自守介然人莫敢犯以非義

卒年八十六贈太子太保諡文安子九人庭梯庭機
最顯庭梯字利瞻瀚次子也弘治十二年進士授兵
部主事歷職方郎中馬文升劉大夏相繼為尚書皆
器重之後曹元掌部事阿附劉瑾每欲有所更張庭
梯輒引成憲沮格及張綵為吏部陽浮慕庭梯諭意
欲改授御史固謝之綵怒出為蘇州知府職方郎年
資既深不當出守庭梯處之怡然時頻年大水疏請
蠲田租停織造罷繁征割闢課備賑戶部難之再疏
始報可還雲南左叅政正德九年以父年高乞待養
詔令歸省既抵家復上疏懇請乃許之時子炫已成

進士官禮部主事亦謁假歸三世一堂鄉人稱盛事
焉嘉靖初父憂服闋起官江西歷湖廣左右布政使
舉治行卓異六年擢右副都御史巡撫保定諸府居
數月詔甄別天下巡撫官吏部尚書桂萼素不悅庭
梯遂解其職歲餘用薦起南京兵部右侍郎時馬快
船為軍害與尚書王庭相協議裁損幾半十一年召
為工部右侍郎應詔言郊壇大工及南城西苑相繼
興作府藏殫虛顧以儉約先天下凡有經營悉從裁
省又因災傷乞撤還採木燒造諸使帝雖不盡從每
優詔答之尋進左侍郎十四年拜尚書時九廟七陵

壽宮暨慈寧慈慶奉先崇先養心文華崇德講武諸
宮殿工役並與其他金水河禮儀房金山寺安樂堂
諸工復以十數計月費銀三十餘萬庭樁悉心經畫
然物力大絀明年九廟成加太子太保又明年詔建
沙河行宮議加天下田賦為給事中管見御史桑喬
等所劾遂自陳乞罷命秉傳歸有司給庫隸如制家
居四年卒贈少保諡康懿庭樁篤行誼嘗至莆縣上
外祖冢或請遊九鯉湖不應既而曰吾惡夫行之不
專也送友人喪啓瘞見水立出囊中金改葬之其素
行多類此姓字貞孚早有文譽嘉靖初以禮部員外

郎議大禮忤執政引疾家居庭梯歸始起官精膳郎
中至通政叅議庭機字利仁瀚季子也瀚年七十三
初受叅贊機務之命而生庭機遂以為名舉嘉靖十
四年進士改庶吉士授檢討嚴嵩用事所居與庭機
比鄰而庭機子燦亦官檢討有勸其父子稍通款曲
者謝弗聽久之遷司業用尚書李默薦擢南京祭酒
數月徙太常卿居三年進工部右侍郎並在南京振
武營軍亂殺督儲侍郎黃懋官衆推庭機署其事庭
機給餉如期軍心以安漕艘當輸南京者利得水次
倉爭相請託庭機拒不納令探籌自占改南京禮部

就拜工部尚書歲供內府器皿織造御服費鉅萬計
庭機力裁浮濫中人無敢逞私穆宗立就調禮部庭
機性恬淡官陪京二十餘年詞林後進多居釣要庭
機絕無期望居禮部三月會子燦已為祭酒遂致仕
歸萬曆八年燦卒庭機悼之甚踰年亦卒年七十有
六贈太子太保謚文僖庭機篤厚清儉不媿其父孝
友甥睦惠恤族黨無不至鄉人康太和嘗自署其齋
為學林人問之曰吾甚慕子肖衆之為人肖衆者庭
機別號也其為名流推重如此子燦煙亦為尚書燦
字貞恒庭機長子幼穎異善屬文舉嘉靖二年六年

進士改庶吉士授檢討時徐階掌翰林院見燦有器
識數稱之景泰王就邸命燦侍講讀會王將之國嚴
嵩子世蕃規得其宅屬所親風燦燦謝曰宅受之吾
父不敢棄也已而語人吾不惜此宅情所與耳世蕃
怒脅吏部請以燦為長史嵩惜其才階復婉解之得免
燦亦不謝三遷國子祭酒自燦祖瀚父庭機三世
為祭酒皆有聲稱前此未有也瀚所創公署歲久漸
圯至者多仍僦屋燦捐金撤而新之隆慶改元擢禮
部右侍郎充日講官議修九陵命燦往視中官皆利
興工為窟穴燦言惟長陵當修遂省金錢鉅萬魁犯

邊條上備邊七事其冬改吏部掌詹事府直講如故
徐階當國駸駸向用矣熾進講語多切直甫月餘忽
有詔調南京吏部衆莫知其故階嘆曰吾尚不能為
國家留一林貞恒誰謂天下事由我其後階去張居
正抑熾不復召或謂熾之去居正實擠之居正故熾
同年生才名相軋者也熾至南京署禮部事魏國公
徐鵬舉廢長立幼熾持不可鵬舉卒不能奪萬曆元
年進工部尚書改禮部仍居南京名位一與父庭機
等母喪去官服闋以庭機篤老侍養於家不復出熾
為人熹靜方直外和而中介居正初與熾善不欲終

絕之薦入賀萬壽節居正折簡邀曲宴竟以目青辭
弗往自在南京及歸里不通京朝官一札惟歲一遣
使馳華亭起居階及座主陸樹聲而已仍世通顯門
生知交通四方終身無所請託四壁蕭然佩服如寒
士搢紳莫不頌其名德歸七年先父庭機卒以居正
猶在事不得贈諡久之始贈太子少保諡文恪明興
三世為尚書並得諡文林氏一家而已鄉人重其世
德以瀚與庭梯庭機殯合祀曰世忠祠于世吉用廕
官戶部員外郎善詩弟世勤性篤孝父卒枕塊三年
哀毀骨立侍母黃氏不離側有靈芝三見枯莖復青

禾兩岐爪雙蒂之異御史上其事被旌煙字貞耀庭
機次子也舉嘉靖四十一年進士授戶部主事歷建
昌太平知府有政績遷廣西副使兄燦卒請急歸養
久之不起用薦以故官准浙江徙廣東叅政召為太
僕少卿因災異極陳礦稅之害請釋逮繫諸臣不報
歷南京大理卿萬曆三十八年召為刑部右侍郎明
年拜南京工部尚書尋致仕煙孝友恭儉恬於進取
素慎之操老而不易稱其家風

許進字季升靈寶人成化二年進士除御史歷按甘
肅山東皆有聲陳鉞附汪直激變遼東為御史強珍

所劾進亦率同官論之直怒構珍下獄進等坐停俸
直憾未已摘進他疏訛字奏之廷杖幾殆端三考還
山東副使監鄉試有欲私勢家子弟者進執不可乃
已東昌有武人子懷金挾一生飲酒家是夜武人子
被殺有司捕生考訊誣服進疑之私念必酒家所為
悉召縣中賈客驗其私曆則云次日酒家還市布數
疋一鞠而服乃釋生嘗分巡遼東坐累徵下詔獄會
孝宗嗣位釋還弘治元年擢右僉都御史巡撫大同
北部小王子久不通貢至是遣使千五百餘人款關
求貢進以便宜納之疏請於朝詔許五百人至京師

已而屢盜遣進等被劾帝不問尋復擁衆窺邊進等
整軍待之會朝議遣新寧伯譚祐統京軍赴援魁知
有備遁去又乞通貢進等以番書非真却之乃遣使
易書以來且言部下有盜中國馬者盜已得令謹歸
馬進等再為請帝許之當是時大同士馬盛強邊防
修整貢使每至關率下馬脫弓矢入館俛首聽命不
敢譁邊警益稀會分守中官石岩有罪進劾之岩亦
疏詆進詔大理少卿楊澄等往按嚴以剋官廉徵還
而進亦坐所奏不盡實誚兗州知府初進以嚴為治
及是見為寬平或問故進曰昔為法官今則都有司

耳何可同耶錦衣百戶仝鑒南京後府經歷周廣榮
交章薦進七年遷陝西按察使時土魯番阿黑麻攻
陷哈密執忠順王陝已而使其將牙蘭守之牙蘭機
警有謀力能并閼六弓夜宿常十從意輕中國兵部
尚書馬文升既奏執其貢使謂復哈密非進不可乃
薦為右僉都御史巡撫甘肅明年淮鎮謀潛師襲其
城諸將難之進曰小醜敢陸梁者謂我不敢深入耳
堂堂天朝不能發一鐵塞外何以威遠裔吾非貪功
以雪恥也總兵官劉寧力贊之乃厚結土魯番世襲
小列秃使發兵小列秃果以四千騎往大破之殺數

百人小列禿亦中流矢卒其子卜六阿反憤欲報父
讐進復厚結之使斷賊道無東援牙蘭而重犒赤斤
罕東及哈密遺種之居若峪者令出兵助討布畫既
定十一月命副將彭清以精騎千五百人為前鋒出
嘉峪關前行罕與中官陸蘭統二千五百騎繼之越
八日諸軍俱會羽集七川薄暮大風揚沙軍士寒栗
僵卧馬下進出帳外勞軍有異鳥悲鳴將士多泣下
沾衣進慷慨曰男兒報國死沙場幸耳何泣為將士
皆感奮夜半風止大雨雪時番兵俱集惟罕東衆未
至衆數待之進曰潛師遠襲利在捷速兵已足用不

須待也厥明遂冒雪倍道而進又六日奄至哈密城
下時牙蘭偵知己先遁去餘賊悉力拒守官軍四面
攻之再踰時賊氣漸衰將士呼噪並進鑿城為坎蟻
附而登賊衆大潰退保土刺土刺華言大臺也諸軍
既入城復戰於土刺下獲陝巴妻女土刺守者千人
斬馘及死砲石且十二猶未下問其俘則皆哈密人
為牙蘭所劫者進乃傳令勿攻寧附進耳曰斬此八
百人封侯可得也進不可遣使撫諭之即下於是探
牙蘭所嚮分守要害而疏諸懷輯罕東諸衛為援散
土魯番黨與孤其勢遂班師自是番酋畏警有歸哈

密之志矣錄功加進右副都御史明年移撫陝西已
阿黑麻果遣使上書謝罪以陝巴及金印來歸西域
遂定入歷戶部左右侍郎十三年火篩大舉犯大同
邊將屢敗勅進與太監金輔平江伯陳銳率京軍禦
之既至寇勢猶盛師久無功與輔等以諸將所馘零
騎來上帝以其捷功自飾將議罪會進勅總兵官王
璽失利帝又以不與輔銳會奏責進偏執召還方進
初受命權貴多令子弟為參隨冀冒功賞進出居庸
以軍法部署盡編之伍諸貴介不便競謀藥之帝由
是不悅及言官劾輔等玩寇并論進卒致仕去廷臣

論薦者數十既未及召武宗即位乃起為兵部左侍郎提督團營時兵部尚書劉大夏屢乞罷進至大夏曰吾可去矣屬進勉負荷國事報先帝德正德元年竟代大夏為尚書先是京軍為內監私役應還伍者凡三萬三千六百人既得旨復為太監魏興等沮格守皇城內侍舊止正副二人後漸至三四人至是冗員滋衆率橫索月錢卒守門三日納錢至萬二三千禁月糧猶不足進等應求言詔極陳其弊且及重爵賞減皂隸嚴比試黜困窮省文引損驛傳諸事語多涉權倖權倖相與厄之竟格不行御馬監勇士率宦

官奴隸至驟收五百五十人有僅五六歲者進等極言不可又以帝狎比群小不親萬幾疏請崇聖學止佚游以古荒淫之主為戒帝皆不納東廠中官王岳奏官校王綱等緝事捕盜有功各進一秩進言邊將出萬死戰一賊始獲晉級而此輩冒濫得之邊將執不解體又言團營軍非為營造設宜悉令歸伍居兵部半歲改吏部明年加太子少保進用人重氣節獎恬退行取推官羅鳳謁文選郎不跪郎以為言進曰為推官不屈文選他日不為強項御史耶遂用之郎中孫燧進素識也諸郎頻候問而燧踪跡踈濶至推

大理丞乃獨舉璉進鄉人工部侍郎李璉嘗屬宦官
求改吏部進而責之曰君齒未衰秩已峻循是而往
不要不貴乃託閹人速化乎璉大慙進素重周經雍
泰嘗曰二人不用吾死目不瞑乃起經禮部尚書泰
南京戶部尚書然是時劉瑾弄權多所壅格進亦不
能盡行其意方進督團營時與瑾同事進既練習軍
務每閱操談笑指揮意度閒雅瑾及諸將咸服一日
操畢忽呼三校至前各杖數十瑾請其故進出權貴
請託書示之瑾益稱善然心終不喜至是欲去進用
劉宇代而焦芳以干請不得亦因擠進故事郎中閹

署員外郎得遷補進有所推用瑾以為非制令對狀
進不引咎三降嚴旨難責進不得已請罪乃令致仕
未幾有小人朱瀛者譏於瑾竟坐用雍泰削籍二子
誥讚在翰林俱輸贖調外任尋與劉健等六百七十
五人並追奪誥命瑾猶怒獨進在大同時嘗籍軍出
顧役錢失勾校欲籍其家會瑾誅得解復官致仕未
聞命卒年七十四贈太子太保嘉靖五年諡襄毅子
誥南京戶部尚書讚文淵閣大學士詩工部郎中詞
知府諭兵部尚書誥字廷綸進次子也弘治十二年
進士授戶科給事中出視延綏軍儲時塞上方用兵

詩言陝西歲輸夏稅於邊石費白金三兩民亦不堪
矣然猶曰有田則有租也既乃復有丁糧丁草費與
前等民逐比戶逃移夫賊一犯邊民困已如此使久
屯不去軍興不已不知何以處之望陛下念時事多
艱民窮多隱躬行節儉於上凡齎賁費游宴營造
之費一切停罷時勅所司寬恤民力每遇轉餉計丁
力強弱道里遠近詳為區畫毋使小民流竄邦本動
搖帝褒納之監督中官苗逵貪肆誥特論奏進刑科
右給事中正德初父進為兵部尚書故事大臣子不
得居言職遂改翰林檢討及進忤劉瑾削籍并誥誥

全州判官父喪歸服闋久不起言官交薦召為尚寶丞復引疾歸家居授徒講道者數載北方學者皆歸焉嘉靖改元起南京通政叅議六年以輔臣薦召拜侍講學士直經筵進所撰通鑑前編圖書管見太極圖論道統源流錄諸書復陳緝熙聖學四事帝俱嘉納遷太常卿掌國子監直講如故初帝自撰敬一箴註程子四箴范浚心箴詰諸於太學中建敬一亭勅御製於石帝悅從之帝將正文廟祀典詰諸易本主文華殿東室舊有釋像帝命撤去詰所撰道統書言宜崇祀五帝三王以月公孔子配帝即採用其言及

行奉安禮諸獲陪祀既而進講無逸殿賜宴幽風亭
諸亦得預時有白鵲之瑞諸獻論司業陳襄獻頌並
宣付史館十一年擢吏部右侍郎其冬拜南京戶部
尚書時弟讚亦典戶部兄弟並司兩京邦計搢紳以
為榮居二年以母老乞歸不許未幾卒官贈太子太
保諡莊敏諸博學多著述深究性理之說嘗病宋儒
理氣之分故其論太極謂氣理兼備不涉於無論性
謂理氣渾全不可專以理言學者服其精至生平敦
行誼官祭酒時諸生徒輒不能歸者三十餘皆為墓
之衣食有不繼者並加周卹生徒德之而給事中張

裕謝存儒御史馮恩劾誥裕至比之祝欽明帝怒
命指實裕第引咎遂下獄謫官存儒劾誥侵剋餼錢
誥不勝憤令僚屬封己寢室諸遺官搜校帝諭以非
政體而以存儒言無驗謂之邊方恩詆誥學術迂邪
素行鮮恥誥疏辨求罷帝曰恩所詆乃指前日去土
偶用沐主事也爾可以是不介意耶其為帝眷寵如此
讚字廷美進第三子也弘治九年進士授大名推官
有盜夜殺人匿其首遺刀於塗旦負薪者至拾其刀
邏者執詣有司不勝刑自誣服讚心疑之榜於市曰
殺人者已服罪有能獻其首予厚賞果一人持首至

讚此曰殺人者汝也其人惶懼引伏負薪者得釋久之召拜御史以疾歸正德初遷朝政翰林編修劉瑾既逐進讚亦出為臨淄知縣父憂去起浙江僉事累遷浙江左布政使嘉靖六年入為光祿卿歷刑部左右侍郎武定侯郭勛納誦戍知州金輅賄遣人篡取之惡指揮王臣不發擅收縛臣以歸臣被掠急用重賄免事覺帝詰勛勛謝無有帝怒下法司議罪時尚書高友璣在告讚等上言勛欺用驕橫宜論如律乃削勛保傅官以侯就第帝雖罷勛猶以議禮故憐之諭法司訊輅等毋施刑輅等遂展轉不承友璣坐畏

縮被劾去讚等請如常刑訊平心決遣帝許之具得
勅納賄狀乃再奪祿三之一八年進尚書都指揮崔
昂有罪奉詔逮訊昂走匿叔父中官文家不出讚奏
之帝命并文逮治遂論如律初武宗南巡錦衣指揮
施恭侍中官常霜勢矯詔籍揚州富商袁英家至是
英妻詣闕訴下讚治恭賄權倖恐喝百端讚不為動
竟置重典帝時喜聞臣下過失許六部歷事監生發
奸獎有瘡於者素無賴跪訴吏部侍郎徐縉帝得奏
甚喜下都御史汪鋐訊狀於就訊語塞已論罪於後
上章肆許詞連通政陳經等數人再下鋐訊鋐力斥

其妄會太常卿彭澤欲傾緡而代之偽為緡書抵張
孚敬求解中有黃精白蠟隱語澤復聳孚敬奏之謂
緡賄己緡疏辨詔法司會錦衣衛訊治讚等卒論於
廷罔而緡行賄事莫能白緡遂除名帝方嘉沆能奉
詔言事竟宥沆罪是時告訐風大熾都城無賴子率
持朝士陰事傾取資財不得則妄構事端入奏諸司
為之惕息中官張永弟容擅求遺資多行不義軍人
童源索賄不遂訐永造瑩犯天壽山龍脉事已白矣
後容僕王謙等發容違法事奸人張雄因為謙草
奏通訛朝紳讚與兄誥及汪鉉廖道南史道內臣黃

錦輩數十人皆為所指謂受容重賂源亦上疏助之
俱下法司譴等求罷帝不許已而鞠得實源等並成
極邊都人快馬十年改戶部尚書明年正月上言頃
值歲凶賴陛下遣官賑救民幸更生然而疾用未紓
轉徙如故則有司不能上體聖心下恤民隱寬省無
實繁苛未除或恣意科罰錮銖不遺或擅興土木生
理盡廢或濫受詞訟根株之獄繁興或非時點閱追
呼之擾不息此四者施於樂歲猶且不堪况可行於
凶年哉請勅撫按嚴督有司與民休息有貪肆擾民
者其悉論罷帝稱善亟行之其秋應詔陳便民六事

帝亦褒納河南漕粟故允於大名之小灘或奏改他所請曰利不可不變法增役創署費且十倍勿改便兵部請發銀三十萬興甘肅屯田請曰兵弱寇強士不得耕徒損國儲請俟他日議之凡所規畫皆老成慮遠不欲紛更帝皆從焉十三年兄誥卒讚以母老乞侍養不許命馳驛歸省讚歸而母卒服未闋詔以爲吏部尚書且趣先期至京侯禪畢蒞事讚辭不允服除始入朝帝素以讚醇謹可用故虛位待之及讚至所論列不盡當帝意時有護責扈從駕謁顯陵以所舉擢不稱旨奪俸詔選宮僚閣臣多引其私黨言

官劾罷十餘人帝以屬吏部譴乃舉霍韜毛伯溫顧
璘呂柟鄒守益徐階任瀚薛蕙周鈇趙時春等十數
人詔璘柟蕙守故官餘俱用之時稱得人累加至少
保兼太子太保二十年九廟災自陳免居半歲帝難
其代復起譴任之時塞上多警國儲告乏而畿輔及
山東河南方以防寇議築墩堡諸發內帑借百官
俸括富民財開鬻爵之令以濟邊需又謂內地築堡
擾民非計帝以借俸括財非盛世事已之而墩堡事
亦寢時翟鑒嚴嵩柄政多所請託郎中王與齡勸譴
發之嵩辨之強帝方眷嵩反切責譴而除與齡籍譴

自是益畏憚不敢與政府抗己而鑒罷帝謀代者當
以譴乘和易制引之詔以本官兼文淵閣大學士叅
預機務譴聞嘆曰何必奪我銓部及居位政事一決
於嵩譴循嘿無所施焉伴食而已久之加少傅譴年
踰七十數乞骸骨帝不悅乃具疏引罪帝責其忘君
愛身遂落職閒住歸三年卒年七十六譴大臣子縷
習典故在法司累上刑法議析義甚精掌詮部政條
上明選法革奸弊十事悉見施行先後在吏部近十
年數推數廢棄又能保護善類自以兩世典銓懼盈
滿務為謙謹然選與不能固自持與權要時有離合

晚歲稍以賄聞後以子僎陳請復官贈少師謚文簡
論字廷議進少子也嘉靖五年進士授順德推官入
為兵部主事改禮部論好談兵幼從父歷遺境盡知
阨塞險易因著九邊圖論上之帝喜下之兵部兵部
請頒遺臣議行論自是以知兵聞累遷南京大理丞
邊事起言官交薦論可備邊寄二十年廷推順天巡
撫論名居次帝曰是嘗上九邊圖論者即拜右僉都
御史任之數條上邊計戎備修舉明年首白通事以
千餘騎犯黃崖口論親督將士敗之再犯文水谷獲
為官軍斬却錄功進右副都御史歲餘以病免俺荅

薄都城詔起論於家既至命以故官撫山西三十一年寇犯柞子鵠不得入乃窺大同龍鬚墩論集精銳邀擊破之己錄防秋功進兵部右侍郎明年召理京營戎政以築京師外城遷左侍郎三十三年出督宣大山西軍務奸人呂鶴初與丘富以左道惑衆富叛降俺荅為之謀主鶴因潛伏應州城遣其黨關出塞外引寇入犯其黨還為偵卒所獲論遂遣兵捕鶴并其黨伏誅以功進右都御史其秋寇犯山西鎮西衛將士禦之斬首百七十餘級再進兵部尚書廢子錦承世千戶先是翁萬達為總督築大同邊墻六百里

而建墩臺於內如其數後以兵少塙不能守盡撤而
守臺至是論言兵既守臺則寇來攻塙不得用其力
而寇入塙率震駭逃散今請改築於塙外每三百步
而建一臺俾矢石相及其去塙不得越三十步趾方
四丈五尺其顛損三之一高亦如之上置女塙營舍
守以壯士十人下築月城穴門通出入度工費不過
九萬金作治數月而足詔立從之九月寇萬騎犯山
西論督軍遮擊於朔州川破之其犯宣府龍門者亦
為將士所敗先後俘斬五百三什有奇加太子太保
詹事如初三十五年兵部尚書楊博以久廢去召論

代之當是時南北用兵羽書旁午而嚴嵩父子用事
將帥率以賄進憑藉輿援無可與戮力者帝以兵事
責中樞甚急稍不効輒黜罰隨之前此丁汝璈王邦
瑞趙錦聶豹咸不得善去論時已老重自顧念乃委
身嚴氏賄遺狼籍一切將帥黜陟兵機進止悉聽世
蕃指麾不敢有牴牾由是時望大損俺荅子辛受以
總督楊順納其逃妾憤甚擁衆圍大同右衛城數重
城中至折屋而焚帝聞深以為憂密問嵩嵩意欲棄
之而難於發言則請降諭問本兵論言右衛孤懸絕
塞欲圖永安必盡復其軍馬能歲辦五十萬金此殫

在可保也論蓋如常指設為難詞欲帝自棄之帝顧
益憂念亟措餉發兵易置文武將吏而右衛圍亦尋
解會給事中吳時來疏劾楊順因言論雷同附和前
桃松寨之降漫無主持日昏酣自恣置邊警度外本
兵如此將安用之帝得奏心動召諭常欲去之常微
為之解帝竟削論籍常不能救也三十八年復起故
宦督薊遼保定軍務明年六月首犯都兕大舉犯薊
西輪先謀知之命厚集精銳以待至則為遊擊胡鎮
所破乃分軍掠沙兒嶺燕子窩將士又擊却之遂遷
事聞厚費銀幣又明年奏言密雲昌平二鎮餉金防

春以畫防秋更須三十餘萬給事中鄭茂因言論在
鎮三年一卒未練而奏請過多請察其侵冒弊帝是
之詔論回籍聽勘而命給事中鄧棟往覈具得虛冒
狀遂奪論官閒住未幾卒年七十二隆慶初以其子
陳諸復官誡恭襄曾孫浩然由世廕歷官太子太保
左都督子達得錦衣指揮李自成陷京師不屈死從
兄佳得官弘農衛指揮崇禎十四年賊破靈寶持刀
赴闕死焉

論曰考前史世系所載如王謝崔盧蕭李之族臺閣
卿佐動數十人自科目興不復重氏牒一家之內齊

登臚仕者蓋寥寥矣然當時猶兼用門蔭至明任子
皆有限制所重惟科舉一途而世卿益寡中葉始得
林許二氏一時號為最盛自時厥後則有餘姚孫氏
南充陳氏冠蓋蟬聯後先濟美論者謂忠義之澤宜
有餘慶焉然以許進命世英賢諸子所就多不免物
議林瀚三世嫖節庶幾象賢是知士君子世德作求乃
克永世不僅在功名爵位之間也已

明史卷二百五十一

列傳一百二

孫需

張憲

胡富

洪遠

黃珂

柴昇

吳儼

劉春

石玠

王璟

高餘

叢蘭

周南

孫祿

龔弘

王珣

孫需字孚吉德興人尚書原貞之孫舉成化八年進士為常州推官以廉辨稱巡撫都御史年俸器大有疑獄以屬需無不立剖者擢南京御史偕同官劾僧繼曉罪忤旨予杖巡倉至中都鎮守中官欲令旁門入謁需不可卒具賓主禮巡視上江獲巨盜得物七

十麓悉籍歸之官出為四川副使歲大祲糴貴民死
徙相望而湖廣倉有積粟需請於撫按偕叅議金澤
往貸得三十萬石以歸計戶賑恤全活甚衆父憂去
故事監司出峽有司以竹木編筏傳舟防漚瀕之險
市之直數百金需拒弗用既免喪除浙江按察使枕
遷左布政使需既厲清節加善剗釐宿弊浙人稱為
前劉後孫前劉者大夏也弘治十五年擢右副都御
史巡撫河南值歲凶汴河溢蠶城城且壞需以平買
募民築堤堤成而饑者亦濟中旨下河南取牡丹三
百本需言不宜以耳目玩勞民力乃詔取七之一必

陽知縣馮憲以事遷宗藩命撫按會訊已後遽赴詔
獄需言令已下不當反汗帝為嘉納鎮守中官劉瑯
貪橫為民患需務裁抑之他日有奸民赴瑯投訟牒
需論之成瑯跪請曰公盡少縱繩墨使瑯得飲勺水
需執不聽瑯恨次骨陰謀去需會大臣子有橫於鄉
者需亦裁約之於是瑯計得行遂改撫陝西未幾寇
大入寧夏建議用楊一清代需還需累疏請告不允
時方遣侍郎何鑑稽覈荆襄流民鄖陽其淵數乃命
需以故官撫治之需盡意撫輯占籍至數萬人乃建
學舍俾子弟講誦暇則身往課率民無惰窳境內有

武當山遇禱祠輒賦民錢需曰山有香錢鉅萬余安
在顧累吾民耶令籍貯均州民自是無濫賦正德二
年召為南京兵部右侍郎就擢禮部尚書劉瑾覲賂
不得乃追論撫河南時崇王歲祿事罰輸米於邊四
年冬廷推需刑部尚書竟勒致仕瑾既誅乃起南京
工部尚書八年改刑部尋改吏部皆在南京十三年
疏陳修政弭災戒遊畋抑權倖諸事引年乞休賜勅
乘傳去嘉靖初卒諡清簡大學士賁宏需婿也嘗言
需在蜀族弟有入其境者檄有司械送歸在浙時長
皆果候鈴門累日終不得一見而同年生尚書吳文

度以一簞餽堅謝之其後爰如此與常同里同舉進
士相代為尚書又同以名德稱者曰張憲字廷式為
吏部尚書尹是所知甫釋褐特授考功主事歷郎中
甄品人物必先志行聞有人才籍既惟謹以故黜陟
允公論資深當擢京卿尚書王恕探所欲憲曰惟官
弗稱耳矣內外之擇恕賢之遂遷山東左叅政進浙
江右布政使鎮守中官縱左右虐民搜財捕寘之理
公怒羸羸毫髮無私焉入為順天府尹高貴富人率
營充將軍校尉輒得優接致下戶重用憲疏陳其弊
并及均馬政恤民艱省冗費三事悉允行憲端謹有

威望尹京四年權豪畏懾進工部右侍郎督揚州山
水武宗立兼右僉都御史理兩浙福建鹽政皆能大
釐積弊就進右都御史劉瑾議罷巡撫并憲召還改
南院遷南京禮部尚書甫拜命坐鄧炳事勒罷其年
瑾誅召為南京工部尚書尋卒需遂代之云

胡富字永年績溪人成化十四年進士授南京大理
評事弘治初歷福建僉事福寧囚久繫者二百餘人
富一訊皆定囹圄頓空以憂去起補山東奄人董建
衛王府其徒怙勢擾民富捕治之自是無敢肆遷廣
東副使四會徭亂督兵剿之擒五百餘人瀧水徭出

沒無時富度其所經地得荒田三千餘頃招墾戶耕
牧其中徭畏種不敢出擾居民得田作海南黎賊符
南蛇圍儋州督府潘蕃議征之富與叅議劉信往覘
其營賊突至接戰信被殺富奮前手斬劇賊一人賊
乃退還益兵進討卒平之歷陝西左布政使正德初
入為順天府尹時劉瑾方煽威虐富檢餘僚屬務盡
心瑾亦無能害三年遷南京大理卿尋就改戶部右
侍郎坐事罷歸瑾敗起故官七年拜本部尚書先是
南都倉儲僅支二年富在部三載有六年之積每曰
留都根本要地宜務蓄聚而冗蠹不除何以經久乃

條上十餘事率權貴所不便遂格不行歎曰杞人猶
知憂天吾居大位而不能舉職是誤國也遂引年歸
嘉靖元年卒贈太子少保諡康惠

洪遠字克毅歙人成化十四年進士除莆田知縣縣
多勢家好請託遠置鼓廳事客至則擊鼓集群吏客
不得措一詞而去海賊發損戍兵監司欲代以民壯
遠力爭得寢歷知濬交河在濬遠歲饑賑貸多所全
活有中貴道濬勢烜赫民恐遠無所饋且遭辱相聚
千餘人擁之入見其得民如此弘治七年徵授南京
御史故事十年一度偕遠八年一朝給牒已多請罷其

例額外者勒還業報聞出為浙江僉事嘉湖二府饑遠以
善賑卹被資累遷陝西左布政使正德七年拜右副都御
史巡撫雲南黔獎廉威信明著十八岩蠻人出降或請
棄機城之遠曰殺降不信戕無辜不仁掩無侮而襲之不
武卒善撫之部內有銀礦開則啓盜遠令塞之中官以進
貢擾民遠疏陳其害且教禁職其從者中官怒欲傾之無
釁乃止九年召拜南京大理卿就進右都御史遠服官素
廉謹習練政事至是益務持大體戒僚吏勿以詆訐傷人
人望歸之就改工部尚書再疏乞休會江西變作修城池繕
器械冒暑得疾遂不起嘉靖中賜諡恭靖

黃珂字鳴玉遂寧人成化二十年進士授龍陽知縣
俗尚鬼病不服藥惟巫覡禱祠珂下令嚴禁教之醫
療俗為少變動察民隱興除利弊歲祲請於上官減
賦十之二復發公帑數千金轉粟以濟後他府饑龍
陽獨稔就食者相望珂設厰四境糴廉哺之治行聞
擢御史出按貴州金達長官何礪負固謀不軌珂計
禽之改設流官賊婦米魯亂事由巡撫錢鈺總兵官
焦俊等珂奏發之鈺等皆得罪改按畿輔疾勢豪橫
恣悉加繩約中貴宋愷誣奏民隱占公田械繫詔獄
有死者珂為直之都指揮康淵安詆許巡撫珂劾寘

於理歷山西按察使王府丞。奏有罪。王為請不從。竟
論如律。正德四年。擢石倉都御史。巡撫延綏。河套賊
亦不剌教擾邊。珂偕總兵官馬昂督軍戰於木瓜山。
賊大敗。斬首三百五十有奇。六年。賊復犯邊。珂檄副
總兵王勛等七將分據要害。夾擊。復大敗之。捷聞。再
賜璽書銀幣。先是。劉瑾遣官四出覈屯田。使者奉行
過當。於是軍裏遂有寘錯之變。珂獨緩之。延綏民得
無擾。及寘錯傳檄四方。用討瑾為名。他鎮畏瑾不敢
以聞。珂封上其檄。因陳便宜八事。而急令總兵官侯
勛。叅將時涼等分兵扼河東。賊遂不敢出。後賊平。瑾

數欲中珂奇禍會敗獲免入為戶部右侍郎總督倉
場七年河南用兵出理軍餉時主客兵十餘萬進奔
轉戰遷止無常珂隨方轉輸軍興無乏錄功增俸一
級改刑部進左侍郎鄒平王庶子爭襲久不決珂往
勘歸爵於其長罪長史以下議遂定己改佐兵部寧
王宸濠謀復護衛行金過賄要人珂不納執議獨堅
九年擢南京右都御史尋就拜工部尚書時營作上
供器物多踰常制珂程工節財下無敢乾沒者以年
垂連章乞休詔賜勅馳傳歸月廩歲隸如故事珂家
居孝友在官有節操與楊廷和齊姻其遷叙皆自以資

望得之無有疑其私者卒增太子少保護簡肅
柴昇字公照內鄉人受業知府段堅以學行稱舉成
化末進士除工科給事中弘治六年夏久旱求言昇
陳國家大體二當治急務四其言大體一曰省災異
謂四方奏報災傷宜勅聞臣分類條上苟事繁軍民
即召大臣而相商畧以盡群情之異同因以得人材
之優劣一曰納忠諫謂二三年來陛下從諫漸不如
初如丙番貢獅食言當却而畜禁中四方游食奸徒
迭充勇士貪言當汰收納滋多且日晏始朝經進頻
輟西苑流連南城游佚與夫別宮外寵之濫賞雜流

異教之冗負論諫盈廷充耳如故當亟為採納其言
急務曰布寬恤撫流移謹積儲憫勞役帝嘉納焉帝
將為后弟張延齡建府第昇疏諫留中詔召番僧領
占竹於四川禮臣暨言官交諫不納昇復爭之竟寢
前命時詔鎮守中官訪取畫士山西太監劉政奏送
十八人昇疏諫報聞九年夏有詔度僧昇上言僧道
故有定額邇年多至三十七萬有奇此非他不過出
於軍民匠籍而已今天下軍多缺伍匠多缺役戶口
日耗土田日荒由若屬避累投閒以至此况妖言逆
謀往往而有正宜嚴為之禁令其消耗豈可益之轉

使為患哉臣又觀詔書謂自弘治以來未嘗給度若以不度僧為今日闕典者夫祖宗良法美意未盡紹述為今日之闕可也帝王至德要道未盡講求為今日之闕可也群工庶司不得其職四海萬姓不得其所為今日之闕可也若不度僧正陛下盛德事可反以是為闕典哉帝是其言下之所司十三年寇犯大同總兵官王璽失利昇劾之請併誅敗將馬昇秦恭王果等已又劾鎮守中官劉雲巡撫任漢於是諸人俱得罪都指揮韓玉等三人已坐事奪官復為兵部所舉用昇疏論之乃改命立功遼東巡撫張玉總兵

官李杲坐失事召還致仕昇等言致仕者人臣以禮
去官之名也杲等宜膺顯戮而反蒙濫恩自今邊方
失事之臣誰復畏憚哉帝謂事已前決置之累遷兵
科都給事中糾正遺失直聲籍甚以資深遷山東督儲
叅政進廣東右布政使都御史潘蕃討南海賊令昇
領一軍攻車營等三村大破之正德初改山東左布
政使尋以右副都御史巡撫江西劉瑾汰內地巡撫
調昇陝西歷吏部左右侍郎瑾誅尚書張綏下獄昇
署部事瑾所行苛政二十四事悉登正之言官劾昇
撫陝時為瑾治第修墓華侈踰制帝不問俄擢南京

兵部尚書昇以留都根本而諸務盡為中貴所壞乃偕同官陳積獎十三事多裁抑中貴遂尼不行踰年父喪歸已起南京工部未幾乞致仕去昇雅持清節有孝行兩居親喪並廬墓云

吳儼字克溫宜興人成化末舉進士改庶吉士授編修舅徐溥執政儼日侍左右談析文義語不涉私歷侍講學士掌南京翰林院正德初召修孝宗實錄直講進劉瑾竊柄聞儼家多貴遣人啗以美官儼峻拒之瑾怒會大計群吏中旨罷儼官瑾誅復職歷禮部左右侍郎拜南京禮部尚書十二年武宗北巡儼抗

疏切諫明年復偕諸大臣上疏曰臣等初聞駕幸昌
平曾具疏極論不蒙採納既聞出居庸幸宣大宰輔
不及知群臣不及從三軍之士不及衛臣等戰懼驚
惶謂是巨寇跳梁邊圉告警致陛下有此倉卒之行
耳不然沙漠之荒殘詎如京師之壯麗邊塞之馳驚
詎如宮禁之尊嚴陛下奚取於彼而勞身遠出哉自
去秋以來臣民皆引領北望以為九月萬壽節天下
朝賀畢至四夷貢獻在廷豈宜不覩天顏及長至之
辰九廟有灌獻兩宮有慶賀豈宜遣代行事孰謂遷
延改歲過正旦又已旬日不知郊祀祈穀諸大禮亦

將令臣下代之歎抑遂缺而不舉歟今京師内外人心動搖口語轉相流播徐淮以南荒饑千里去冬雨雪為災民無衣食至父子流徙兄弟離散或有自引決者民窮至此安保其不為盜哉所禦之寇尚遠隔於陰山而不虞之禍或猝起於肘腋臣之所大懼也不報十四年卒官贈太子少保謚文肅儀方嚴清慎動合禮度詩文皆清麗可誦

劉春字仁仲巴人成化末進士及第授編修累遷翰林學士正德六年擢吏部右侍郎進左八年拜禮部尚書准王祐棨鄭王祐樸皆由旁支襲封而祐棨稱

其本生為考祐擇并欲進封入廟交城王秉機由鎮
國將軍嗣爵而欲進其妹為縣主春皆擬禮駁之遂
著為例帝崇信西僧常襲其衣服演法內殿有倬吉
我此兒者得出入豹房與諸嬖倖襍處封大德法王
至是遣其徒二人還烏思藏請給國師誥命如大秉
法王例歲時入貢且得費茶以行春持不可帝命再
議春執奏曰烏思藏遠在西方性極頑犢雖設四王
撫化其來貢必有節制使不為邊患若許其費茶給
之誥勅萬一假上旨以誘羗人妄有請乞不從則失
異俗心從之則滋害惟陛下裁察奏上罷費茶卒與

誥命於是兩人秉傳行轡重相屬於道所過煩費公私苦之已春又奏西蕃俗信佛教故祖宗承前代之舊設立烏思藏諸司及陝西洮岷四川松潘諸寺令化導蕃人許之朝每貢止數人且有定期比緣諸蕃僻遠莫辨真偽至有中國逃亡罪人私行薙髮習其語言輒來共貢觀幸賞賚又多叛寺請額貢者日增雖罄民財以充費宴猶不能給乞定貢期人數給勘合以稽真偽毋許妄營寺宇庶濫費可節國體亦尊帝報可廣東布政使羅榮等入覲各言鎮守內臣入貢之害春列上累朝停革貢獻詔旨且言今四方水旱

頻仍盜賊充斥軍士苦調發百姓困轉輸為守臣者
宜仰體德意深恤民艱而乃輒稱舊例採取珍禽異
獸苛索軍民騷擾道路貢於上者甚微害於下者甚
大乞一切停罷報聞奉掌禮三年慎守彝典宗藩諸
封請婚及文武大臣祭墓贈謚多所裁正人不敢干
以私遭憂去服闋起南京吏部尚書尋以禮部尚書
專典誥勅掌詹事府事十六年卒贈太子太保謚文
簡劉氏世以科第顯春父親御史第台雲南叅政子
彭年巡撫貴州右副都御史彭年子起宗遼東苑馬
寺卿起宗子世賞廣東左布政使台子鶴年雲南布

政使以清譽聞鶴年孫世曾巡撫雲南右副都御史
有征勦功皆由進士

石玠字邦秀萊城人父玉山西按察使舉成化末年
進士知沁水縣有惠政弘治中召為御史出覈大同
軍儲按甘肅及陝西所條上邊務悉中機宜左都御
史戴珊素知玠既還朝事無巨細悉委之嘗因災異
率同官劾南京刑部尚書程瑄以下二十七人時論
以為當正德元年擢山西提學副使遷按察使左右
布政使去父玉官時僅二十載吏民安其政稱世美
焉六年擢右副都御史巡撫大同旋召拜兵部右侍

卽八年海西賊老鼠乃留及都督祝孔章等數犯邊阻諸部朝貢而泰寧三衛又與別部相攻久不通貢市邊臣請用兵廷議欲先示安懷乃命玠以左侍郎兼食都御史往遼東巡視玠馳至開原遣使出關撫諭諸部聞之喜相率貢馬受約束老鼠乃留等亦悔罪率所部二十人入關修職貢事聞帝大喜璽書嘉勞召還由是玠遂蒙帝眷玠嘗奏舉同知張龍等御史張鵬以爲有私劾之帝怒責鵬左都御史陸完既遷官廷推代者三上悉不用最後推玠乃以爲右都御史掌院事於是御史李隱疑玠有所夤緣刻諸罷

斥不報十年拜戶部尚書是時群邪亂政屢撓部權
諸尚書多不敢抗惟玠力與之爭中官吏太鎮雲南
請獨領銀場務杜甫鎮湖廣請借鹽船稅銀為進貢
資劉德守京州請帶食茶六百引玠皆執不可西僧
入烏思藏封闡教王請馬快船三十艘販載食鹽玠
又極言其害帝初出居庸玠切諫及在宣府需銀百
萬兩玠持不可帝弗從乃進其平王璦欲害彭澤玠
廷譽之權倖多不悅而奸民欲牟鹽利者賄朱寧為
請無不如志玠又連章執奏寧尤銜之會廷臣以諫
南巡跪之闕下諸大臣皆莫敢言玠獨論救群小激

帝怒於是嚴旨詰責令自陳玠引罪復被切讓遂引疾去賜勅馳傳有司給廩隸猶如故事家居二年卒贈太子少傅玠有操行不妄取一介既歸田廬無加於舊

王璟字廷采沂人成化八年進士為登封知縣以清節聞歷南京御史弘治十四年以南京鴻臚卿拜右僉都御史理兩淮鹽政奏陳利病數事通商戒奸私販屏迹既竣賑荒浙江奏減田租停杭湖二府軍餉三十萬石規荒政要務十事奏行之所活四十餘萬人十七年冬巡撫保定武宗立太監夏綬乞於真定

諸府歲加葦場稅少監傳璟請復畝數靖海永清隆
平諸縣田太監張峻欲稅寧晉小河往來客貨詔皆
許之又以莊田故遣緹騎逮民魯堂等二百餘人畿
南騷動璟抗疏切諫賴戶部尚書韓文等力持之於
是晉撫內臣稍得召還璟素厲風操甘恬退遂引疾
周請致仕命馳傳歸已坐累奪官閔住正德六年起
撫山西巨盜闖入河東破陷城邑璟扼險設防製火
槍萬餘以教戰士槍藏箭六皆傳毒藥舉槍箭即隨
之賊避槍輒中箭無不立殲賊懼而遁自是不敢復
西璟以所部兵發請一切採辦物料及戰馬四千餘

匹悉輸直從之。累遷右都御史。沒院事已而遷左以
張綸為右都御史。代之。後陳金以太子太保左都御
史入院。位璟上人。號璟中都御史。馬時群小用事。大
臣靡然附之。璟獨守故操。不屑詭隨。臺中賴以為重。
再進太子太保。世宗立。致仕。卒。贈少保。諡恭靖。先璟
撫保定者江都高銓。成化五年進士。授南京大理評
事。時官僚老疾致仕者。例追本年所給祿銓以為非制。
疏請罷之。累遷河南僉事。歸德河壩地千餘頃。本民
業。為王府所據。以負租訟其知州於朝。中官偕大臣
承旨按之。銓請還地於民。中官怒。脅之。執不變。弘治

中再遷右副都御史巡撫保定六府進南京兵部右
侍郎應天饑條上荒政八事詔即命銓賑濟全活為
多正德改元歷南京戶部尚書明年廷推左都御史
瑾欲易置大臣示威傳旨令銓致仕尋坐事逮下詔
獄復坐隆平侯家襲爵事除其名尋罰米五百石復
瑾益事操切每遣使有所勘核而出遣者務苛急以
承瑾意兵科給事中高芳銓子也所勘滄州鹽山牧
地被劾者五十三人璟以前為巡撫與馬而父銓亦
在劾中舉朝駭愕瑾以當坐者衆令去職者勿問於
是璟及銓獲免瑾誅復銓官致仕卒贈太子少保芳

後亦官南京光祿少卿然不為士大夫所齒云

叢蘭字廷秀文登人弘治初進士為戶科給事中中
官梁芳陳喜汪直輩興先以罪擯斥復賣緣還京蘭
因清寧宮災疏陳六事極論芳等罪諸人竟終廢已
請黜工部侍郎林鳳貴州巡撫錢鈺太僕丞祝獻光
祿丞張慶不納尋上言頃緣災異吏部遵詔書錄上
建言謹誤諸臣請加擢用而明旨不盡從非所以示
天下信視朝之頃臣下仰懾天威易違常度請失儀
被糾免送詔獄畿內州縣征徭繁重富民率克剝侵
規免他戶代之倍增勞歎宜清釐檢正章下所司進

兵科右給事中都督僉事吳安以傳奉得官蘭請罷之奉詔簡京軍提督九門太監陳良請勿選守門者蘭謂門卒皆番直居伍日多不宜獨免持不可時命撥團營軍八千人修九門城壕蘭言近土木繁興諸軍疲於工作不習操練往歲大同調發幾不能勝兵雖將領非人亦拊循無素也臣頃簡營軍詔許專事訓練無復差撥命下未幾旋復役之如前詔何疏上帝頗採納蘭廉直有才望歷給事十餘年遷通政叅議十七年小王子犯大同命經畧紫荆倒馬諸關塞蹊隧可通敵騎者百十所建成置兵塞垣益固正德

初進左通政尋出理延綏屯田安化王寔錫反蘭上言十事譏切劉瑾虐政瑾惡之矯詔嚴責給事中張瓚御史汪賜等遂希指劾蘭瑾時方憂邊事乃獲免數月瑾誅進通政使俄擢戶部右侍郎督理三邊軍餉先是開中鹽引率利歸豪右至蘭無敢干乞商賈乃通六年召還會南畿及河南歲祲命蘭往賑未赴而河北賊自宿遷渡河將逼鳳陽廷議遣大臣鎮撫乃命蘭以本官巡視虜鳳滁和兼理賑濟河南人趙景隆自稱宋王糾合千餘人為亂自歸德濟陽集轉掠至鄆陽城蘭遣指揮石堅亳州知州張思齊等率

師擊斬之擒其黨五百餘人餘悉解散召還論功增
俸一級八年春大同有警命巡視居庸龍泉諸關尋
兼督宣大軍餉明年進右都御史總制宣大山西軍
務令內地皆築堡寇至收保如塞下其秋寇以五萬
騎自萬全右衛趨蔚州大掠又三萬騎入平虜城南
蘭陰置伏使人為田間餉而躬率兵追寇寇走掠食
食有毒多踣伏兵乘之遂敗遁頗獲首功然猶以失
事故停半歲俸十年改督漕運兼巡撫江北力崇節
儉公私冗費汰斥殆盡中官劉允取佛烏思藏道蘭
境入謁靜不見允需舟五百餘艘役夫萬餘人公私

大擾蘭馳疏極陳其害不報治洪主事王鑒以忤中
官被逮抗章救之歲出多方賑卹居四年以事忤兵
部尚書王瓊託言地方多事解蘭漕務專任巡撫寧
王宸濠反蘭移鎮瓜洲擒其間諜百餘人初蘭赴宣
大至撫順墮水武宗知之及是南巡識蘭名曰是嘗
為總制墮桑乾河者也蘭所治供帳不能當他境十
二竟不之罪十五年遷南京工部尚書世宗即位御
史陳克宅劾蘭附江彬帝以蘭素清謹釋勿問蘭遂
乞休去卒贈太子少保

周南字文化縉雲人成化十四年進士除六合知縣

省刑均賦得士民心擢御史出按畿輔弘治初再按廣東總兵官安遠侯柳景貪恣南勅奏之景遂得罪還總諸道章奏擢湖廣副使歷江西右布政使所至以才見稱十七年擢右副都御史巡撫大同武宗初立寇大入宣府轉掠洪州順聖州官軍失利已恭將陳雄等邀擊敗之大有斬獲錄功增南俸一秩母喪歸正德三年劉瑾擅政遣官勾較錢穀而大同倉儲有汜爛者遂逮南及督糧郎中樓霞孫祿下詔獄責其家倍數輸官會赦大同總兵官葉椿等為請瑾不許止免其加數久之輸畢乃釋為民瑾誅詔以故官

撫宣府不就引疾歸明年起督南贛軍務先是汀州大帽山賊張時旺黃鏞劉隆李四仔等聚衆稱王攻剽城邑近及江西廣東之境數年不靖官軍嘗討之輒敗推官莫仲昭知縣蔣幾指揮楊澤等被執賊勢愈熾南至集諸道兵擊之於龍牙橋時旺義民林富別擊斬鏞於鉄坑其他諸若為指揮孫堂等所破而副使楊璋僉事凌相等亦擊隆四仔擒之先後斬獲五千人仲昭等得逸還捷聞賜勅獎勞而乃移師會總督陳金共平姚源諸賊境內遂寧九年春進石都御史總督兩廣軍務而以所部數用兵軍民困敝乃

飭吏勸農務為休養計踰年乞歸詔許兼傳有司給
夫廩如制南性儉素居官惟蔬食兩齋親喪皆即日
就道不受賻奠卒贈太子少保祿弘治九年進士由
戶部主事歷郎中瑾敗起故官出為揚州知府有善
政九年舉治行卓異當遷巡按御史張羽言祿得吏
民心請增秩再任乃就加河南右叅政歷浙江左布
政使嘉靖初再舉卓異入為應天府尹卒官

龔弘字元之蘇州嘉定人成化十四年進士授金華
推官善決獄遷南京刑部主事歷兗州知府有殊政中
官李興出治河驕恣甚弘獨長揖府有借兌糧寄養

馬相沿爲常課私考尋故牘知其額外力請之上官
得蠲糧萬石馬八千匹民用大蘇弘治九年舉治行
卓異遷浙江右叅政未行得疾幾殆僚吏入視其橐
僅白金七兩相顧嗟異比去士民號泣載途既至以
疾遽久之不出正德九年始起福建右布政使轉湖
廣爲左中貴縱僕從殃民私收繫畫置之理入爲應
天府尹歲饑請於朝發粟賑貸十二年黃河溢權弘
右副都御史治之河患旋止帝南巡駐蹕臨清弘及
山東撫按以下咸入謁帝命置宴宴具草畧帝視之
笑曰何慢我甚耶然竟不怒及獻觴巡撫永平王瑄

行懷帝目之韋臣神周因怵珣謂上意不測詰朝獲
宴弘趨進有言姓名江彬從旁屬聲叱之翼弄罪兩
人帝不為意已扈駕而南彬又數欲中弘帝卒不聽
尋進工部右侍郎領河事如故弘雅尚澹素居官以
廉正見稱至是年幾七十連章乞休世宗立乃進工
部尚書致仕又數年卒珣字汝溫弘治中舉進士除
兵科給事中正德初御馬監太監牛宣當出守南京
辭不往詔仍留之珣偕同官倪謙交章劾宣尚書劉
大夏去國珣抗疏乞留皆不納帝將大婚詔取太倉
銀四十萬兩珣首言今六禮已過半所未行發冊奉

迎而已安用此數十萬金徒耗國儲藏中飽甚無謂
也會廷臣多爭者乃減四之一累遷右僉都御史巡
撫山西坐冠入失利責降浙江叅議再以故官撫山
東帝亦南巡也中官黎鑑家人橫擾民財事發鑑懼
罪悉所有以獻復取償於有司珣不可鑑怒以頭觸
珣相聞事復泣懇於帝帝曰此必汝有求不遂耳巡
撫何敢辱汝鑑語塞而還世宗立遣右副都御史移
巡撫陝西終兵部侍郎

論曰當正德朝遞遷甫除群奸繼起士大夫急於功
利者率偷合苟容以保富貴而端方正亮之士乃橫

之間散故一時留都大僚若孫需輩彬彬多君子焉
劉春石玠王璟處衆邪之中守官無玷周南龔弘敷
歷外服亦不染於俗雖欲不謂之賢不可得已